



Senin, 8 Pebruari 2021
Ogen: Matius 6:1-4



"NGALO RAS MERE"



Pernah nge begindu belas-belas, madin nge mere asangkan ngalo?. Belas-belas enda mejile kel maknana, kinatana megati denga riahen siakap ngalo asangkan mere. Matius 6:1-4 enda nuriken kata persinget banta gelah kita banci membiasaken biak mere asangkan ngalo. Ibas kita mere pe, tuhu meriah kel nanamna, apalagi iidah kalak kita mere guna nampati, mehaga siakap banta (ayat 2). Tujun renungenta sendah, mereken kata persinget banta gelah kita tetap ngataken bujur adi kita ngalo perkuah ateNa simbelin arah penampat kalak sideban adi memang paksana kita perlu. Tapi inget, ibas kita mere pe labo perlu igejek-gejekken kerna perbahanenta mere e (ayat 6). Bapanta i surga ngidah ras meteh kai sinibahan ibas kita mere e. Bagi nina temata sendah, ngalo ras mere, tuhu dua dahin si meriah. Sipakekenlah ngalo ras mere enda tuhu-tuhu bas porsina.

Ibas paksa kita kitik denga, megati kita ngalo sebab baginta lenga lit, ijenari kita biasana ijari uga situhu mere kubas sada bagin si memang membutuhkan, paksa gundari enda situasita erbanca kita nimai guna lit si reh mereken banta, apalagi alasenta situasi covid erbanca kita lanai banci mere ras nimai guna lit pengalonta. Tuhu, adi lakin lit bas kita sitimai pengalonta reh arah Dibata nari. Tapi adi lit bas kita, la nggit kita mere, ingetlah Dibata nggo mere bandu alu cuma-cuma ibas baginndu si berlebihan e. Dibata mpepaler pasu-pasuNa simbelin bandu, lakin kam nggit ngataken bujur baNa arah pemerendu e?. Lit nge kerina waktuna guna ngalo ras mere.

Cuba sisiksiki uga biakta kerna ngalo ras mere enda. Apai nge si rusuren sidalanken? Bage pe, adi kita mere, nggo nge tuhu-tuhu kita mere alu perbahanen si pas me labo guna iidah kalak gelah kita mehaga? Me labo gelah ianggap kalak kita hebat?. Adi kam ngalo, me katakenndu bujur man Dibata? Me labo kam ngalo padahal bas kam lit?. Tahun 2021 enda, marilah sipekena biakta enda. Jesus nggo ncidahkan kerna biak mere **tanpa mengharapken imbalan ras la Ia nggit ieteh jelma sinterem ibas ia mere penampat man isepe.**

Usihlah biak Yesus, gelah si dat pasu-pasu si mbelin arah biakta si mehuli.